

「國家社會科學基金重大項目」

何建明

主編

中國地方志
佛道教文獻匯纂

人物卷

(44)

國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂
人物卷
(44)

 國家圖書館出版社

中國地方志佛道教文獻匯纂·人物卷
浙江省 寧波市

鄞縣志

清·戴枚修 董沛等纂
清同治十三年（一八七四）修
光緒三年（一八七七）刻本

鄞縣志卷五十一

寓賢傳

漢

梅福字子真壽春人成帝時爲南昌尉元始中王莽顓政福一朝棄妻子去九江至今傳以爲仙其後人有見福於會稽者變姓名爲吳門市卒云漢書福隨處高隱聞志鄞東南七十里大梅山蓋福之舊隱也山中有石洞仙井藥爐丹竈遺跡猶存寶慶志

梁

陶宏景字通明秣陵人十歲得葛洪神仙傳晝夜研尋有養生之志曾夢佛授其○案嘉靖志及錢志其作以菩提記云名爲勝力菩薩乃詣

鄞縣阿育王塔自誓受五大戒

南史隱逸傳

唐

寧波府志

卷三十一

曾威鳳字儀公黃州人夙有文名爲詩豪放後託隱緇流寄跡鄞

之延慶寺

聞志

仙釋傳

周

鬼谷子姓王名詡受道於老君居清谿之鬼谷因以爲號嘗遊鄞
太白山南滄輿水簾洞有祠倚山臨水幽深閨寂人跡罕到成化
志

益昌周時人有仙術隱於四明山石室後尸解而去漢梅子真嘗
宿此室夢神人告曰昔時益昌化於室中祕其骨於天井及旦
視之果獲其骨色如黃金遂爲埋焉聞志

吳

劉綱字伯經下邳人任上虞令與夫人樊氏雲翹居四明山丹山圖詠

師事白君歷年學成

嘉泰會稽志

嘗與夫人較術綱作火燒碓屋夫

人禁之卽滅庭中兩株桃各呪一使相鬪擊良久綱所呪者走
出籬外綱唾盤中成鯉夫人唾之成獺食魚入山路阻虎綱禁
之伏不動適欲往虎卽喊之夫人徑前虎不敢仰視以繩繫虎

於牀腳下每共試術不勝太平廣記將昇天大蘭山有皂莢樹綱升樹數丈方能飛舉夫人平坐冉冉如雲氣之升圖今白水觀乃

其遺跡云

會稽志

晉

鮑蓋鄧邑人

乾道圖經

生時祥光燭室名曰員照後更名蓋

續文獻通考

爲

縣吏縣嘗俾捧牒入京畱家酣飲踰月不行縣方詰責已而得報章果上達將充實然既死葬三十年忽夢謂妻曰吾當更生盍開吾塚妻疑不信再夢如初乃發棺其尸儼然如生第無氣息耳郡人聚觀咸神之立祠以祀乾道圖經

時荷字道揚鉅鹿人少爲道士入四明山遇神人教以胎息眾妙

之術能使使鬼神惠懷之世聞許真人道法盛行江右徒步踵

門願充弟子真人納之授以祕訣復遣還四明教導徒眾

神仙通鑑

梁

潘四明受眞法陶隱君手爲題握中祕訣門人罕能見惟傳孫韜

刻人與柏闔二人兩浙名賢錄

唐

章全素楚人行乞於市吳郡蔣生好神仙遊荆門見而憐其窮解
裘衣之命執侍左右同歸隱四明山生有石硯在几上忽一日
全素白生日先生鍊丹久矣能化石硯爲金乎蔣生自度不果
心甚慚曰汝傭者豈知神仙事全素笑而去後月餘全素於衣
中出一瓢甚小顧謂蔣生曰此瓢中有仙丹能化石爲金願得
先生石硯以一刀圭傳其上生以爲誕妄明日生獨行山水閒
命全素守舍至晚歸則見全素已卒矣以簣蔽其尸將棺而瘞
於野及撤簣尸已亡去徒有衣履存焉生大異後於藥鼎下得

石硯其上寸餘化爲紫金光甚瑩徹蓋全素丹所化也生始悟

爲仙人益自慚悲生學鍊丹不成竟死於四明山

宣室志

俞叟隱居四明山從道士學卻老之術晦跡荆南

本宣室志

爲市門監

有京兆呂氏子以飢寒謁江陵尹王潛潛不爲禮月餘在逆旅

未還叟召而問之呂曰府帥王公中表丈也以親舊自遠而來

雖入謁未嘗一問亦命之所致耶叟曰我亦困者無以調子之

急今夕可泊我宇下展宿食之敬呂諾之旣延入摧檐破牖致

席於地坐語且久叟覆一缶於地俄頃舉視之有一紫衣人長

五寸許叟指之謂呂曰此正公也呂熟視酷類焉叟因戒曰呂

生爾之中表姪以無朝夕之給千里而至爾宜厚其館穀富金

帛爲贈何恃貴忘舊之如是耶紫衣者卑揖若受教狀遂不復

見

太平廣記

明旦天將曉叟謂呂生日子疾去王公旦夕召子矣及

歸逆旅王果使召之館生驛亭贈僕馬及縑二百生奇之

宣室志

王可交崑山人以耕釣爲業咸通十年擢漁舟入江忽遇花舫招
之人內有道士七人設宴奏樂噉可交以栗尋送之上岸則在
天台山瀑布寺前有僧迎問之可交曰今早離家蓋三月三日
僧言九月九日已半年餘矣後遂絕粒越州廉使驗實以聞自
是住四明山二十餘年復出明州賣藥酤酒言藥則壺公所授
酒則餘杭阿母所傳明州里巷皆言王仙人藥酒世閒不及道
俗多圖其形象有患病及邪魅者置之卽愈後三十餘年卻入
四明山不復出焉

四明山志

許碯自稱高陽人累舉不第晚學道於王屋周遊五岳抵天台四
明仙都委羽皆於石崖峭壁人不及處題云許碯自峨眉尋偃
月子到此筆勢奇縱莫不歎其神異竟莫詳偃月子也

續神仙傳

宋

朱棣字彥誠初本江南士子靖康初避難抵明越之界萬山嵯峨望一石室壁立千仞規舍其中忽有老父曰此聖公巖也神人居之毒蛇猛獸守其窟焉可往棣曰吾止平地遇寇必無幸者匿此中未必犯於是棄擔持耒沿崖魚貫而進居旬有五日絕無可怖望巖竇數有異光因梯竹以上得黑匣緇鏞甚固一劍橫其外啟之中有書與印言役鬼治病之術寇退棣設壇事之自是役鬼物如反掌最異者能追魂診脈人有病妻則診其夫父則診其子有祟則以法治之無祟吞符亦安台沙鄭瓚常伺其作法往觀焉見其據案而坐運指於袖噴水曰以桃茆磨使而鬼物自至訊鞠論報若官府然問曰此何法也棣曰非法也周天大數也大衍所謂成變化而行鬼神也夫天地五行日

月五星列宿與夫山川草木飛潛動植之屬不越於是況於人乎況於鬼神乎儒者知成變化之數而行鬼神之數未之知也成變化者數之方也行鬼神者數之圓也鄭瓚因撫其實記之

寶慶志

何思遠蓬萊觀道士澄心鍊氣能驅役鬼物嘗至京師有運船數百千艘欲絕淮而潮不登爲作法於其壩未幾潮溢歡聲如雷悉賴以濟發運使以聞敕差明州管内副道正紹興十三年太守莫將命拜章禱雨而驗云

延祐志

呂處仁餘姚人嘉定閒隱居四明山中得異術禱雨反爲人所禱輒驗曾爲演教真人及化去以劍投於後橫潭至今每風月清朗之夕其劍時時飛出

兩浙名賢錄

元

宜興八

卷五十二

陳可復字復心號雷谷定海人

成化志

幼疎爽越有林生善役雷有

問其法輒叱去可復晝夜承事因林嗜酒每鬻衣以奉由是卒

得其術

延祐志

嘗主教鄞之元妙觀中秋有方士賞月可復不與

戲以墨水噴符頃卽烏雲掩月而雨黑雨眾知其所爲延之入

席雲霧散盡月復朗然

聞志

○案錢志陳可復傳據延祐志雨

妙觀一節而耆舊傳並無可復事惟聞

志載之錢志誤注問志爲耆舊傳耳

應可復精思集雲雲果合須臾雷電大作雨甚遂召爲承應法

師見世祖皇帝偉其貌命治足疾可復曰疾深不可除臣有禁

架術願試之良愈復命止風風返卻祈雪雪立至從上巡幸幾

十年

○案曹志亦作

卒京師追封誠明翊教

太極真人

延祐志

鍾道士失其名有法術歲常大旱書符呪之雨輒應時天下方亂

妖邪竝興道士禁之卽息呼召神將能使二童持劍入水斬鬼

物持其首而出復多戲術人至今皆道之

曹志

呂震亨陳可復弟子亦著靈異召至京

聞志

嗣其師之法留侍內廷

者數年然後歸

虞集撰元妙觀碑記

住邑之冲虛觀庭中檜樹有神芝生

其上勢若飛鳳精彩耀日

聞志

王天助字致和號頤庵昌國之蓬萊鄉人

黃潛撰玉皇閣記

學道於袁松

溪

志成

泰定閒入侍內祠以精於禱禱數遣代祠名山京師大

旱祈雨輒應有司治決河投其鐵符水勢漸減主鄆之元妙觀

建玉皇大閣

聞志

賜號太虛元靜明妙真人

志成

呂希夷

○案延祐志作虛夷

字與之端謹而文爲道士於天台桐柏山

聞志

德十一年爲縣令禱雨而應

吳澄撰大瀛海道院記

旋建大瀛海道院於

象山之爵谿嘗著老子講義趙與權之孫建福順觀於鄆延希

夷居之

聞志

張悌字信甫號無爲子象山人有別業在鄞扁舟往來好結賓客捐所有予人無吝色父以罪當詣吏悌請以身代父得免既出遊南北回薄萬里謂武當神明之奧鍊形服氣莫此爲宜一日掉臂出門顧謂其家子古初曰善事爾母教育諸弟毋以我爲念行至武當山止紫霄宮晝服勞薪水與眾同甘苦滋味取其至薄者夜則危坐一榻脇不至席者三年忽晨起別眾方怪之則已化矣

王禪撰無爲子傳

案曰曹志仙釋有陳王賓未著何縣攷全謝山陳仙傳王賓實定海人別無寓鄞事蹟錢志不知而誤收之今刪

晉

義興晉永康中誅茅山閒有一童子日給薪水既而辭去曰我太白星也上帝以師道行遣侍左右言訖不見故稱太白禪師

延祐

志

惠達并州離石人本姓名劉薩阿生業弋獵晉太康二年因病死而復蘇云在冥中見一梵僧語之曰汝罪深重應墮惡道今洛下齊城丹陽會稽並有古塔及浮江石像悉阿育王所造可勤求禮懺當免斯患薩阿更生乃祝髮爲僧更名惠達東詣鄆縣入烏石畧結茅以寓徧訪海涖名山忽一夜聞上下鐘聲○案錢志作聞上下鐘今考乾道圖經引道宣感通傳作聞土下鐘聲從之卽標識其處越三日見梵僧七人行道空中地形如湧爲方壇狀神光照映因劬土求之得一石函中有舍利寶塔六僧騰空而去一僧化爲烏石因以名畧焉道宣感通傳

南史海南諸國傳載劉薩何事但云觀世音語以洛下齊城丹陽會稽並有阿育王塔可往禮拜不言薩何詣鄆縣禮塔